

西 溪 叢 語



11850

西

溪

叢

語

姚寬輯

中華書局

叢書集成初編

西溪叢語

中華書局出版發行

(北京王府井大街三十六號)

秦皇島市資料印刷廠印刷

一九八五年北京新二版

開本：七八七乘一〇九二毫米 三十二分之一  
統一書號：一七二一·八·一五二

## 四庫全書提要

西溪叢語二卷宋姚寬撰寬字令威嵊縣人父舜明紹聖四年進士南渡歷官戶部侍郎徽猷閣待制寬以父任補官仕至權尚書戶部員外郎樞密院編修官其書多考證典籍之異同如辨文選神女賦玉字爲王字之誤辨劉放論蕭何不爲功曹之誤辨黃庭堅論徐浩詩瓊能字押奴來切之誤辨歐陽修論張繼半夜鐘之誤辨王安石詩經新義彤管爲簫笙之誤皆極精審至考感甄賦之始末不辨其非謂陶潛詩中之田子春卽漢書劉澤傳之田生謂杜甫詩中之黃衫少年爲霍小玉傳之黃衫客又謂甫俊逸鮑參軍句爲譏李白皆失之穿鑿附會註劉禹錫詩翁仲字不知其不作於洛陽註李白詩唾井字不知其出於玉臺新詠王宋詩引秦嘉贈婦詩誤以第一首爲徐淑作引詩品誤改寶釵字皆爲疎舛然大致瑜多而瑕少考證家之有根柢者也葉適水心集有西溪集跋其稱此書以易肥遜爲飛遜以孟子不若是恕爲不若是忿二條又謂金海陵王南侵時寬推論太乙熒惑行次決其必敗未幾果有瓜洲之事又謂其著書二百卷古今同異無不該括又謂其古樂府流麗哀思頗雜近體詩長短皆絕去尖巧乃全造古律加於作者一等蓋亦一代博洽工文之士矣

# 西溪叢語卷上

宋 刻川姚 寬令威輯

周易遯卦肥遯無不利。肥字古作𦵹。與古蜚字相似。卽今之飛字。後世遂改爲肥字。九師道訓云。遁而能飛。吉孰大焉。張平子思元賦云。欲飛遁以保名。註引易上九飛遯無不利。謂去而遷也。曹子建七啓云。飛遯離俗。程氏易傳引漸上九鴻漸于陸爲鴻漸于達。以小狐汔濟汔。當爲訖。豈未辨證此耶。論語云。觚不觚。觚哉。觚哉。太平御覽引此。注云。孔子曰。削觚而志有所念。觚不時成。故曰。觚哉。觚哉。小器耳。心不專一。尚不時成。況於大事乎。觚。木簡也。史游急就章云。急就奇觚。與衆異。注云。觚者。學書之牘。或以記事削木爲之。或六面。或八面。皆可書。觚者。稜也。有稜角也。許氏說文。忿。音呼介切。忽也。引孟子孝子之心不若是忿。今所傳孟子曰。爲不若是恝。趙岐注云。恝。無愁貌。公明高以爲孝子不得意於父母。自當愁怨。豈可恝。恝然無憂哉。許氏說文用古文纂集成之。引用忿字。恐爲正也。

舊於會稽得一石碑。論海潮依附陰陽時刻極有理。不知其誰氏復恐遺失。故載之。觀古今諸家海潮之說者多矣。或謂天河激湧。見舊洪潮說。亦云地機翕張。見洞正二經。盧肇以日激水而潮生。封演云。月周天而潮應。挺空入漢。山湧而溝隨。之言施師請僧隱。析木大梁。月行而水大。見寶叔蒙濱志。源殊派異。無所適從。索隱探微。宜伸確論。大中祥符九年冬。奉詔按察嶺外。嘗經合浦郡。廉州。容南溟而東過海康。雷州。歷陵水。化州。涉恩平。恩

住南海州。廣迫由龍川惠。抵潮陽州。泊出守會稽。越移蒞勾章。明已上諸郡。俱沿海濱。朝夕觀望潮汐之候者有日矣。沙·潮退也。得以求之刻漏究之消息。消息。消進。退也。十年用心頗有準的。大率元氣噓翕。天隨氣而漲歛。溟渤往來。潮隨天而進退者也。以日者衆陽之母。陰生於陽。故潮附之於日也。月者太陰之精水。乃陰類。故潮依之於月也。是故隨日而應月。依陰而附陽。盈於朔望。消於朏魄。朏、數尾切。魄虛於上下弦。息於輝胸。胸、女六切。朔而月見東方也。故潮有小大焉。今起月朔夜半子時。潮平於地之子位。四刻一十六分半。月離於日在地之辰。次日移三刻七十二分。對月到之位。以日臨之次。潮必應之。過月望復東行。潮附日而又西應之。至後朔子時四刻一十六分半。日月潮水俱復會於子位。其小盡則月離於日在地之辰。次日移三刻七十三分半。對月到之位。以日臨之次。潮必應之。至後朔子時四刻一十六分半。日月潮水亦俱復會於子位。是知潮常附日而右旋。以月臨子午。潮必平矣。月在卯酉。汐必盡矣。或遲速消息之小異。而進退盈虛。終不失其期也。或問曰。四海潮平皆有漸。惟浙江濤至則亘如山岳。奮如雷霆。水岸橫飛。雪崖傍射。澎湃奔激。吁可畏也。其漲怒之理。可得聞乎。曰。或云夾岸有山。南曰龜。北曰赭。二山相對。謂之海門。岸狹勢逼。湧而爲濤耳。若言狹逼。則東溟自定海。縣名。屬四明郡。吞餘姚。奉化二江。江以縣爲名。一屬會稽。一明隸。四明。俾之浙江尤甚。狹逼。潮來不聞濤有聲也。今觀浙江之口。起自纂風亭。會稽。地名。屬秀屬州。水闊二百餘里。故海商舶船。畏避沙潭。不由大江。水中沙爲潭。徒旱切。惟泛餘姚小江。易舟而浮運河。達于杭越矣。蓋以下有沙潭。南北亘連。隔礙洪波。蹙遏潮勢。夫月離震兌。他潮已生。惟浙江潮水不同。月經

乾巽潮來已半濁浪堆滯後水益來於是溢於沙潭猛怒頓湧聲勢激射故起而爲濤耳非江山淺逼使之然也

段成式酉陽雜俎有諾臯記又有支諾臯意義難解春秋左氏傳襄公十八年秋齊侯伐我北鄙中行獻子將伐齊夢與厲公訟弗勝公以戈擊之首墜於前跪而戴之奉之以走見梗陽人巫臯他日見諸道與之言同巫曰今茲主必死若有事於東方則可以逞獻子許諾疑此事也晁伯宇談助云靈奇祕要辟兵法正月上寅日禹步取寄生木三呪曰晤臯敢告日月震雷令人無敢見我我爲大帝使者乃斷取五寸陰乾百日爲簪二七循頭還着令人不見晁說非也

昔楚襄王與宋玉遊高唐之上見雲氣之異問宋玉玉曰昔先王夢遊高唐與神女遇玉爲高唐之賦先王謂懷王也宋玉是夜夢見神女寤而白王王令玉言其狀使爲神女賦後人遂云襄王夢神女非也古樂府詩有之本自巫山來無人覩容色惟有楚懷王曾言夢相識李義山亦云襄王枕上元無夢莫枉陽臺一片雲今文選本玉王字差誤

古文篆者黃帝史衛人蒼頡所作也蒼頡姓侯剛氏衛音語

杜甫詩丹青引學書須學衛夫人但恨無過王右軍衛夫人名鑠字茂漪卽廷尉展之弟恆之從妹汝陰太守李矩之妻中書郎李充之母王逸少師善鍾法能正書入妙能品王子敬年五歲已有書意夫人書大雅吟賜之

杜甫詩雨拋金鎖甲苔臥綠沉檜薛蒼舒注杜詩引車頻秦書云苻堅造金銀綠沉細鎧金爲綻以繩之綠沉精鐵也北史隋文帝嘗賜張龜綠沉甲獸文貝裝武庫賦云綠沉之檜唐鄭槩聯句有亭亭孤筭綠沉檜之句續齊諧記云王敬伯夜見一女命婢取酒提一綠沉漆榼王羲之筆經有又以綠沉漆竹管見遺亦可愛翫蕭子雲詩云綠沉弓項縱紫艾刀橫拔恐綠沉如今以漆調雌黃之類若調綠漆之其色深沉故謂之綠沉非精鐵也

李義山代魏宮私贈詩云來時西館阻佳期去後漳河隔夢思知有宓妃無限意春松秋菊可同時代元城吳令質暗爲答云背闕掃藩路欲分水邊風日半西曛襄王枕上元無夢莫枉陽臺一片雲第一篇注云黃初三年已隔存歿追逮其意何必同時按此詩當是四年作甄后黃初二年郭后有寵后失意帝大怒六月遣使賜死葬于鄴洛神賦云黃初三年朝京師還濟洛川李善云三年立植爲鄆城王四年徙封雍邱其年朝京師又文紹云三年行幸許又曰四年三月還雒陽並云四年朝此云三年誤矣怨盛年之不當李善云謂少壯之時不能得當君王之意此言微感甄后之情黃初二年植與諸侯就國監國謁者灌均奏植醉酒悖慢劫脅使者有司請治罪故貶鄆安鄉侯後求見帝黃初四年來朝帝責之置西館未許朝上責躬詩裴鉶傳奇載感甄賦之因文字淺俗不可信元微之代曲江老人百韻有班女恩移趙思王賦感甄何也李善注感甄賦云東阿王漢末求甄后逸女不遂太祖回與五官中郎將植殊不平晝思夜想忘寢與食黃初中入朝帝示植玉縷金帶枕植見之不覺泣下

時已爲郭后讒死。帝意亦悟。因令太子留宴飲。以枕賚植。植還度轔轔。將息洛水上。忽見女子來。自云我本託心君王。其心不遂。此枕是我嫁時從嫁。前與五官中郎將今與君王。遂用薦枕席。歡情交集。又云。豈不欲常見。但爲郭后以糠塞口。令被髮掩面羞。將此形貌重視君王耳。言訖。遂不復見所在。遣人獻珠於王。王答以玉佩。悲喜不能自勝。因作感甄賦。後明帝見之。改爲洛神賦。云孔融傳云。初曹操攻屠鄴城。袁氏婦子多見侵掠。而操子丕納袁熙妻甄氏。魏略云。鄴城破。文帝入紹舍。后脇伏姑膝上。帝令舉頭就視。見其顏色非常。太祖聞其意。爲迎取之。

李太白過彭蠡湖詩云。水碧或可採。金膏秘莫言。余將振衣去。羽化出羃煩。江文通擬王徵君詩云。水碧驗未鑽。金膏靈詎緇。翰曰。水碧。水玉也。金膏。仙藥也。又擬郭璞云。傲睨摘木芝。凌波採水碧。謝靈運入彭蠡湖口作。雲物多珍怪。異人祕精魂。金膏滅明光。水碧輶流溫。注云。水碧。水玉也。此江中有之。然皆滅其明光。止其溫潤。穆天子傳。河伯示汝黃金之膏。山海經云。耿山多水碧。又云。柴桑之山。潯陽水。其下多碧。多冷石精。未知何物。余常見墨子道書大樂中有水脂碧者。當是洪炎雜家引舊說云。宮亭湖中有孤石介立。周圍一里。竦直百丈。上有玉膏可採。梅聖俞聽潘歙州話廬山詩云。絕頂水底花。開謝向淵腹。風力豈能加。日氣豈能喚。攬之不可得。滴瀝空在掬。豈非水碧耶。子久遊廬山。不聞有此。柳子厚詩云。漁翁夜傍西巖宿。曉汲清湘燃楚竹。烟消日出不見人。欸乃一聲山水綠。欸。音襯。乃。音鶴。相應之聲也。今人誤以二字合爲一。劉言史瀟湘游云。夷女采山蕉。緝紗浸江水。野花滿鬢妝色新。聞歌

曖迺深峽裏。曖迺知從何處生。當時泣舜斷腸聲。此聲同而字異也。曖迺卽歎乃字。

李義山崇讓宅謙詩。風過迴塘萬竹悲。洛陽有崇讓坊。有河陽節度使王茂先宅。李卽茂先之婿。韋氏述征記云。此坊出大竹及桃。

離騷九歌章句名曰九。而載十一篇。何也。曰。九以數名之。如七啓、七發。非以其章名。或云國殤禮魂不在數。若除國殤禮魂。只二十三篇。韓文公云。屈原離騷二十五。王逸云。漁父以上二十五合國殤禮魂也。劉淵林注魏都賦引九章之辭曰。蔀也必獨立。引卜居之辭曰。橫江潭而漁。今閱二篇。又無是二句。信有闕文。淵林出漢後。何爲獨見全書也。嘗有策問云。蕭統文選載九歌。無國殤禮魂。晁無咎謂大招古與疑原作。今起離騷經遠遊。天問。卜居。漁父。大招。而云九章九歌。又十八則。原賦存者二十四篇耳。惜哲盡敍原意。末云鸞鳳之高翔。見盛德而後下。與賈誼弔屈原文云。鳳凰翔於千仞兮。覽德輝而下之。斷章趣同。將誼效之也。抑固二十五篇之一。未可知也。若如文選去國殤禮魂。以大招。惜哲補。則二十五篇似爲足矣。橫江潭而漁。揚雄答客難有之。如賈逵。班固於離騷經。嘗以所見改易。無疑則九章卜居。如王逸輩或有改易。未可知也。書之闕文。未易深攷。

杜甫野航恰受兩三人。晉郭翻乘小舟歸武昌。安西將軍庾亮造之。以其船狹小。就引大船。翻曰。使君不以鄙賤而猥辱臨之。此固野人之船也。

李商隱詩云。何人書破蒲葵扇。記看南塘移樹時。蒲葵棕櫚也。晉陽秋。謝太傅鄉人有罷中宿縣詣安安。

問歸資答曰唯有五萬蒲葵扇安乃取其中者執之其價數倍又王羲之見老姥持六角扇賣之因書其扇各五字老姥初有難色義之謂曰但云右軍書以求百金姥從之人競買之乃二事誤用也

杜甫洗兵馬左太冲魏都賦云洗兵海島刷馬江州六韜武王問太公雨輶車至軫何也云洗甲兵也魏武兵要曰大將將行雨濡衣冠是謂洗兵

海上人云蛤蜊文蛤皆一潮生一暉

趙純師孟云澶淵之役班師留兵器於開德府謂之御前甲仗庫著令監官四員兩員宗室庫內有張承業財計書李克用兵法此書今亡

真贗贗僞也韓非子云宋人求餽鼎魯人云真也齊人曰贗也

夏歸藏云士無兼年之食遇天飢妻子非妻子也大夫無兼年之食遇飢與喪臣妾非其有也國無兼年之食遇天飢百姓非所有也戒之哉

綢繆兩字而有數義詩云綢繆牖戶注云纏綿也王粲云綢繆清燕娛五臣云綢繆親重貌吳質答東阿王書云是何慰喻之綢繆乎注云綢繆殷勤之意也

老杜送孔巢父幾歲寄我空中書用史宗引小兒騰空覺脚下有波濤寄書事乃蓬萊仙人也洪慶善云空中書乃鴈足書非也

酒謂之歡伯焦貢易林坎之兌遜之未濟辭云酒爲歡伯除憂來樂福喜入門與君相索伯音博協音也

王琪君玉金陵飲酒詩云蜀江雪浪來天際一泓泉春寶釵碎蓋謂水碓春金釵糯也金釵乃糯米之名詩載荆公集中非也。

杜牧之詩云娉娉嫋嫋十三餘荳蔻梢頭二月初不解荳蔻之義閱本草荳蔻花作種嫩葉卷之而生初如芙蓉穗頭深紅色葉漸展花漸出而色微淡亦有黃白色似山薑花生葉間南人取其未大開者謂之舍胎花言尙小如妊娠也。

東坡和陶詩云再遊蘭亭默數永和攷蘭亭之會自右軍謝安凡四十二人後大歷中朱迪呂謂吳筠章八元等三十七人經蘭亭故池聯句有賞是文辭會歎同癸丑年之句必有此事也。

陶淵明閒情賦必有所自乃出張衡同聲歌云邂逅承際會偶得充後房情好新交接颺若探湯願思爲莞席在下蔽匡牀願爲羅衾幘在上衡風霜。

東坡濁醪有妙理賦云濁者以飲吾僕清者以飲吾友僕謂我也或以爲奴僕誤矣。

吳越春秋云吳國西子被殺杜牧之詩云西子下姑蘇一舸逐鴟夷東坡詞云五湖聞道扁舟歸去仍攜西子予問王性之性之云西子自下姑蘇一舸自逐范蠡遂爲兩義不可云范蠡將西子去也嘗疑之別無所據因觀唐景龍文館記宋之間分題得浣紗篇云越女顏如花越王聞浣紗國微不自寵獻作吳宮娃山藪半潛匿苧羅更蒙遮一行霸勾踐再笑傾夫差豔色奪常人效顰亦相誇一朝還舊都覩粧尋若耶鳥驚入松蘿魚畏沉荷花始覺冶容妾方誤羣心邪此詩云復還會稽又與前不同當更詳

考。

蔡中郎石經。漢靈帝熹平四年，邕以古文、篆、隸三體書五經，刻石於太學。至魏正始中，又爲一字石經，相承謂之七經正字。唐志又有今字論語二卷，豈邕五經之外復有此乎？隋經籍志凡言一字石經，皆魏世所爲。有一字論語二卷，不言作者之名，遂以爲邕所作。恐唐史誤。北齊遷邕石經于鄆都，至河濱岸崩，石沒于水者幾半。隋開皇中，又自鄆運入長安，尋兵亂廢棄。唐初，魏鄭公鳩集所餘十不獲一，而傳拓之本猶存祕府。當時一字石經猶數十卷，三字石經止數卷而已。由是知漢石經之亡久矣。魏石經近世猶存，堙滅殆盡。往年洛陽守因閱營造司所棄碎石，識而取之，凡得尚書論語、儀禮合數十段，又有公羊碑一段，在長安其上。馬日碑等所正定之本，據洛陽記，日碑等題名本在禮記，而日碑乃在公羊碑，益知非邕所爲也。尚書論語之文，今多不同。非孔安國、鄭康成所傳之本也。獨公羊當時無他本，故其文與今文無異。然皆殘缺已甚。宋敏求洛陽記云：漢靈帝詔諸儒正定五經刊石。熹平四年，蔡邕與五官中郎將堂谿典、光祿大夫馬日禪、議郎張訓、韓說、太史令單颺等奏定六經，刊於碑後。諸儒晚學，咸取正焉。及碑始立，其觀視及筆寫者，車乘日千餘兩，填塞街衢。其碑爲古文、篆、隸三體，立太學門外。又云：魏正始中，立篆、隸、古文三字石經，又刊文帝典論六碑，附其次於太學。又非前所謂一字石經也。又晉石經隸書，至東魏孝靜遷于鄆。世所傳一字石經，卽晉隸書，又非魏碑也。今漢碑不存，晉、魏石經亦繆謂之蔡邕字矣。唐祕書省內有蔡邕石經數十段，後魏末自洛陽徙至東宮，又移將作內坊貞。

觀四年魏徵奏於京師祕書內省置武后復徙於祕書省未知其一字與三字也。左氏莊公寤生驚姜氏故名曰寤生遂惡之杜預曰寐寤而莊公已生故驚而惡之甚言其生之易也據風俗通不舉寤生子俗說兒墮地未可開目便能視者謂之寤生子妨父母鄭武公老終天年姜氏亦然豈有妨父母乎其說與杜預異。

紹興府軒亭臨街大樓五通神據之土人敬事翟公巽帥越盡去其神改爲酒樓神座下有一大酒字亦非偶然目爲和旨樓取食貨志酒酤在官和旨便人。

昔張敏叔有十客圖忘其名予長兄伯聲嘗得三十客牡丹爲貴客梅爲清客蘭爲幽客桃爲妖客杏爲豔客蓮爲溪客木犀爲巖客海棠爲蜀客躡躅爲山客梨爲淡客瑞香爲閨客菊爲壽客木芙蓉爲醉客酴醿爲才客臘梅爲寒客瓊花爲仙客素馨爲韻客丁香爲情客葵爲忠客舍笑爲佞客楊花爲狂客玫瑰爲刺客月季爲癡客木槿爲時客安石榴爲村客皝子花爲田客棣棠爲俗客曼陀羅爲惡客孤燈爲窮客棠梨爲鬼客。

襄漢隱者躬耕數畝因古冢爲亭往來題詩甚富一日柱間得一絕相傳呂公作也冢上爲亭鬼莫嘵冢頭人卽冢中人憑欄莫起存亡意除却虛空總是塵長兄伯聲云洛中董氏蓄雷琴一張中題云山虛水深萬籟蕭蕭古無人蹤惟石巉巉狀其聲也其外漆下隱有朱書云洛水多清泚峩高有白雲聖朝容隱逸時得詠南薰此詩見宋之間集

滕達道蓄雷威琴。中題云。石山孫枝樣剪伏羲。將扶大隱。永契神機。徐浩書字類石經。今歸居氏矣。

嘗見一琴。中題云。唐大歷三年仲夏十二日。西蜀雷威於雜花亭合。

莫承之琴池之側有隸字云。中平四年逐客蔡邕吳中斷。

李巽伯云。先公得雷威琴。錢氏物也。中題云。嶧陽孫枝匠成雅器。一聽秋堂三月忘味。故號忘味云。爲當代第一。

長兄伯聲云。昔至澠邑。獲一古琴。中題云。合雅大樂。成文正音。徽絃一泛。山水俱深。雷威斷。歐陽詢書。陝郊處士魏野家藏。後歸澠人溫氏。予得之喜而不寐。野嘗有詩云。某退難饒客。琴生却問兒。聲又過忘味云。

檣李僧智和蓄一琴。雲和樣。天池上題云。南溟夷島。產木有堅如石。文橫銀屑者。夷名曰伽陀羅。余愛其堅。又貴其異。遂用作此。臨岳製。五行行七字。下橫四字。李陽冰書。後智和云。沒官迺入樂府。遂入禁中。或云。蔡叔羽以錢五萬得之。妄矣。

伊南田戶店質。當谷隱士趙彥安獲一琴。斷文奇古。真蛇附也。聲韻雄遠。中題云。霧中山三字。人莫曉也。後得蜀郡草堂閒話。中載云。雷氏斷琴。多在峨眉。無爲霧中三山。方知爲雷琴矣。何都巡出古鏡。背龜紐。以蓮葉承之。左右彈琴仙人。一鳳皇對舞。蒂有銘云。對鳳皇舞。鑄黃金蒂。陰陽各。有配。日月恒相會。白玉芙蓉匣。翠羽瓊瑤帶。同心人心。相親照心。照膽保千春。

李晦之一鏡。背有八柱十二獸。面微凸。帶有銘云。尙方佳貢大毋傷。左龍右虎辟牛羊。朱鳥元武順陰陽。子孫備具居中央。長保二親樂富昌。近見一鏡如鐘樣。鼻有大環。有隸字云。一生有十口。前牛無角。後走有口。十三字下有一虎。其字恐甲午字謎也。

近得一夾鏡。大鼻叩之中虛。有冠劍四人。一題忠臣伍子胥。一吳王。一越王。一范蠡。又二婦人。云越王二女。皆小隸字。製作奇古。沈存中云。夾鏡最難得。

宣和貴人家有寫唐會要一軸。係第七卷。後題行官楊小瑛書。字畫頗佳。其議山陵疏中稱虞世南者至再。上疏則不稱姓。止云世南。

李商隱有當句對詩云。密邇平陽接上蘭。奏樓鶯瓦漢宮盤。池光不定花光亂。日氣初涵露氣乾。亦有當句對而兩句不對者。如陸龜蒙詩云。但說漱流并枕石。不辭蟬腹與龜腸。

齊斧。虞喜志林。齊側階切。凡師出齊戒。入廟受斧。故云齊也。陳琳云。腰領不足以膏齊斧。服虔注云。易喪其資斧。張晏云。斧鉞也。以整齊天下。應劭云。齊利也。蕭斧或云越斧也。淮南子云。磨蕭斧以伐朝菌。蕭之義未詳。太平御覽引漢書王莽傳。夷其齊斧音齋。

劉夢得詩有。盃前膽不芻。趙總有。吞船酒膽芻。禮部韻。唐韻並無集韻。在山字韻。音呼關切。頑也。魚皆逆水上。近有詞云。江水東流郎又西。問尺素何由到。似非也。古樂府緩聲歌云。思東流之水必有西。

上之魚

大木百圍生遠籟。朱絃三嘆有遺音。東坡、介甫皆有此句。

東坡詩云。仙人拊我頂。結髮授長生。李太白詩也。

梁昭明淵明集敍曰。自衒自媒者。士女之醜行。此二句出陳思王求自試表。李善注云。越絕書。范蠡自楚之越。越王與言。盡日大夫石賈進曰。衒士不信。客歷諸侯。無因自致。非眞賢也。

李商隱燒香曲云。八蠶蠻綿小分炷。獸焰微紅隔雲母。左太沖吳都賦云。鄉貢八蠶之綿。注云。有蠶一歲八育。雲南志云。風土多暖。至有八蠶。言蠶養至第八次。不中爲絲。只可作綿。故云八蠶之綿。

劉向別錄云。讎校書一人持本。一人讀對。若怨家。故曰讎書。

世傳樊川別集爲杜牧之詩。乃許渾詩。渾有丁卯集。烏絲欄上本者。唐彥猷家有數十首。皆樊川外集中詩也。丁卯乃潤州城南橋名。渾居此橋。故基尚在。

杜甫詩云。弩影落杯中。風俗通應彬爲汲令。請主簿杜宣賜酒。壁上有懸赤弩。照於杯中。形如蛇。宣惡之。謂蛇入腹。遂病。後至其故處。知弩影。遂解。與廣客事相類。梁簡文臥疾詩云。沉痼類弩影。

劉禹錫龍墀遙望麴塵絲。使麴塵字者極多。禮記月令薦鞠衣于上帝。告桑事注云。如鞠塵色。周禮內司服鞠衣。鄭司農云。鞠衣黃桑服也。色如鞠塵。象桑葉始生。乃知用麴藥字非是。

杜甫月詩云。塵匣元開鏡。風簾自上鉤。乃用沈雲卿月詩。臺前疑掛鏡。簾外自懸鉤。又云。春水船如天上